

Na osnovu člana 154. Zakona o zdravstvenoj zaštiti („Službene novine Federacije BiH“ br. 46/10 i 75/13), a u skladu sa Pravilnikom o specijalizacijama i subspecijalizacijama zdravstvenih radnika i zdravstvenih saradnika („Službene novine Federacije BiH“ br. 75/20 i 99/21), članom 5. Pravilnika o kriterijima za prijem specijalizanata („Službene novine Federacije BiH“ br. 102/13, 55/14 i 99/19), Pravilnikom o stručnom obrazovanju i usavršavanju u JU Dom zdravlja Kantona Sarajevo broj: 01-01-695-126/21 od 14.06.2021. godine i Odlukom generalnog direktora o raspisivanju javnog konkursa za izbor i prijem kandidata za dodjelu specijalizacija broj: 01-03-30-16-2050/25 od 03.04.2025. godine, Javna ustanova Dom zdravlja Kantona Sarajevo, objavljuje

## **KONKURS BROJ 2 ZA IZBOR I PRIJEM KANDIDATA NA SPECIJALIZACIJU**

- 1. Pedijatrija – 15 (petnaest) specijalizacija**
- 2. Fizikalna medicina i rehabilitacija – 5 (pet) specijalizacija**
- 3. Klinička radiologija – 5 (pet) specijalizacija**
- 4. Pulmologija – 1 (jedna) specijalizacija**
- 5. Medicinska bihemija – 1 (jedna) specijalizacija**

Kandidati treba da ispunjavaju sljedeće opšte zakonske uslove:

- visoka stručna sprema:  
Medicinski fakultet za pozicije od 1. do 4.  
Medicinski ili Farmaceutski fakultet za poziciju 5.
- položen stručni ispit
- važeće odobrenje za samostalan rad – licencu izdatu od strane nadležne komore
- radno iskustvo od najmanje godinu dana od položenog stručnog ispita
- poznavanje jednog stranog jezika

Kandidati su dužni dostaviti sljedeće dokaze:

- svojeručno potpisanu prijavu na javni konkurs sa rednim brojem i nazivom specijalizacije za koju se prijavljuje,
- biografiju sa adresom i kontakt podacima,
- uvjerenje o državljanstvu,
- diplomu o završenom fakultetu,
- uvjerenje o položenom stručnom ispitu,
- uvjerenje poslodavca o radnom iskustvu,
- odobrenje za samostalan rad – licenca,
- dokaz o poznavanju jednog stranog jezika – kao dokaz o poznavanju stranog jezika kandidati dostavljaju uvjerenje/certifikat škola ili drugih institucija koje se bave obučavanjem znanja stranih jezika (ocjene iz osnovne i/ili srednje škole, kao niti ocjene sa fakulteta se neće smatrati dokazom o poznavanju stranog jezika).

Radi utvrđivanja redoslijeda kandidata u skladu sa Pravilnikom o stručnom obrazovanju i usavršavanju u JU Dom zdravlja Kantona Sarajevo, kandidati su dužni dostaviti i sljedeće dokaze:

- dokaz o dužini trajanja studija – potvrda/uvjerenje fakulteta (ukoliko je dužina studija iz opravdanih razloga produžena, dostaviti dokaz),
- uvjerenje o prosječnoj ocjeni studija,
- dokaz o ostvarenim nagradama za vrijeme studija – nagrada rektora Univerziteta ili nagrada dekana fakulteta,

- potvrdu/uvjerenje o radnom stažu nakon ispunjenja uvjeta za specijalizaciju, za svaku navršenu godinu rada.

Kandidati su dužni uz prijavu priložiti originalne dokumente ili ovjerene fotokopije dokumenata, kao dokaz o ispunjavanju uslova, traženih ovim Konkursom. Uvjerenje o državljanstvu ne smije biti starije od 6 mjeseci od dana izdavanja od strane nadležnog organa.

Svi kandidati koji ispunjavaju uslove Konkursa biće bodovani u skladu sa kriterijima iz člana 33. i 34. Pravilnika o stručnom obrazovanju i usavršavanju Javne ustanove Dom zdravlja Kantona Sarajevo broj:01-01-695-126/21 od 14.06.2021. godine i sa njima će biti obavljen intervju, a o terminu održavanja intervjuja kandidati će biti blagovremeno obaviješteni.

Prijave sa traženim dokumentima, kao dokazom, dostavljaju se lično ili preporučeno putem pošte u zatvorenoj koverti na protokol Ustanove na adresu:

**JAVNA USTANOVA DOM ZDRAVLJA KANTONA SARAJEVO**

**Ul. Vrazova br. 11**

**71 000 Sarajevo**

**Bosna i Hercegovina**

**Sa naznakom: „Konkurs broj 2 za izbor kandidata za dodjelu specijalizacija**

**Pozicija: \_\_ (navesti broj pozicije na koju se prijavljujete)“**

**- NE OTVARAJ -**

**Ukoliko kandidat želi da konkuriše na više pozicija, potrebno je dostaviti Prijavu i tražene dokumente u zatvorenoj koverti, pojedinačno, za svaku poziciju na koju konkuriše.**

**Konkurs ostaje otvoren 15 (petnaest) dana od dana objavljivanja u dnevnim novinama i na web stranici ustanove.**

Nepotpune, neblagovremene i nepotpisane prijave neće se razmatrati, a Javna ustanova Dom zdravlja Kantona Sarajevo nije u obavezi vraćanja dokumentacije koja se prilaže uz prijavu.

**Javna ustanova Dom zdravlja  
Kantona Sarajevo**

